

HIERONYMUS.

EUSEBIOΣ.

EUSEBIUS.

¹ CEDEM, in Ezechiel, quod Aquila & Symmachus interpretantur orientem.

² CEDES, sortis Nephtholim, civitas Sacerdotalis atque fugitivorum in Galilæa super montem Nephtholim. Sed & hanc cepit rex Assyriorum, quæ nunc Cidissus appellatur in vicesimo Tyri milliario juxta Peneadem.

CEDIMOTH. Vide CADEMOTH.

CEDRO. Vide CEDRON proximè.

³ CEDRON, appellatur torrens sive vallis. Cedron juxta Hierusalem ad Orientem plagam est: cujus & Joannes Evangelista meminit.

⁴ CEDSON, in tribu Ruben urbs separata Levitis.

CEELATHA, Num. xxxiii. v. 22. Locus in deserto, in quo fuit una ex mansionibus Israëlitarum per desertum.

⁵ CEILA, in tribu Juda, ubi quondam sedit David: & nunc villula Ceila ad Orientalem plagam Eleutheropoleos pergentibus Chebron, quasi octavo miliario, in qua sepulcrum Abbauc demonstratur.

Κεδὲν, ἐν Ἰεζεκιήλ. Ἀκύλ. Σύμμ. ἀνατολῶν.

⁷ Κεδὲς, πόλις ἱερατικὴ καὶ φυγαδευτήριον, ἐν τῇ Γαλιλαίᾳ ἐν τῷ ὄρει Νεφθαλείμ. καὶ ταύτην εἶλεν ὁ βασιλεὺς Ἀσσυρίων. αὕτη ἐστὶ Κυδοσσός, ἀπέχουσα Τύρῃς σημείοις ἢ, παρακειμένη Πανεάδι.

CEDEC, apud Ezechielem. Aquila, Symmachus (vertunt) plagæ orientalis.

CEDES, civitas sacerdotalis, & refugii in Galilæa, in monte Nephthali, & hanc cepit rex Assyriorum. Hæc est Cydissus, distans Tyro octo millibus passuum, vicina Peneadi.

Κεδρὼν, χειμάρρῃς, ἢ φάραγξ Κεδρὼν, παράκειται τῇ Ἱερουσαλήμ.

CEDRON, torrens seu vallis Cedron, sita est juxta Hierusalem.

Κειλὰ, φυλὴς Ἰούδα, ἐνθα Δαβὶδ ἐκαθίστη, καὶ εἰς ἔτι νῦν κώμη Κηλὰ πρὸς ἀνατολὰς Ἐλευθεροπόλεως ἀπὸ τῶν εἰς Χεβρὼν, ὡς ἀπὸ σημείων ἰζ'. τὸ μνημεῖον Ἀββακούμ τοῦ προφήτου αὐτοῦ δεικνύται.

CEEILA, tribus Juda, ubi sedit David, & usque hodie vicus est Cela versus orientalem plagam Eleutheropolis pergentibus Chebronem quasi in decimo septimo milliario; ostenditur ibidem sepulchrum prophetæ Abbauc.

CEILON, regio Arabiæ, quantum colligi potest, inter Ismaëliitarum regionem & Euphratem, Judith. ii. v. 13.

CENCHRÆ, vel CENCHREÆ Corinthiorum navale est apud Ptolemæum. Ejus fit mentio, Act. xviii. v. 18. & Epistolæ ad Romanos, xvi. v. 1.

⁶ CENE, regio Principum Idumæorum.

Κενὲξ, χώρα ἡγεμόνων Ἰδῶν.

CENEX, regio Principum Idumæorum.

CENERETH, vel CENEROTH, urbs in tribu Nephthali ad mare Genesareth, Jos. xix. v. 35. à qua & mare Cenereth, vel Ceneroth idem mare Genesareth in Scriptura appellatur, Num. xxxiv. v. 11. Jos. xi. v. 2. & c. xiii. v. 27. Debuit ea vel eadem esse cum Capharnaum, vel in eodem prope loco sita, cum tribu Nephthali tantummodo extrema pars maris Genesareth, quæ versus Boream est, attingeret. De hac rursum infra in Chennereth; ita enim hoc libro appellat Hieronymus, quam eandem facit cum Tiberiade, quod ægrè adstrui potest, ut ibi dicemus. Ab hac Ceneroth, vel Ceneroth tota regio vicina seu ad mare Galilææ, seu juxta Jordanem minorem, qua parte in mare Galilææ influit, dicitur Terra Ceneroth, 3 Reg. xv. v. 20.

N O T A.

1. Hebræis קדם Kedem est Oriens. Hanc vocem retinuerunt quasi propriam Septuaginta Interpretes, Ezech. 25. v. 4. & 10. ubi pro eo quod Hieronymus dixit filios Orientales, vel filios Orientis, Septuaginta dixerunt υἱοὶ Κεδμ, filios Cedem. BONFRERIUS.

2. Eadem & Cades appellatur, deque ea in Cades egimus: verum hic perperam Sacerdotalis civitas asseritur, cum nulla civitas sacerdotalis fuerit extra sortem tribus Judæ vel Benjamin: Fuit tamen Levitica civitas, & refugii, Jos. 20. & 21. & 1 Paral. 6. Est & alia Cedes Levitica item civitas in tribu Issachar, 1 Paral. 6. v. 72. quæ Jos. 21. v. 28. videtur Cefson appellata. IDEM.

3. Hujus torrentis aquæ colligebantur ex omnibus quaquaversum in circuitu Jerusalem positis montibus; eò enim, videlicet ad partem urbis Orientalem utpote humillimam decurrebant omnium istorum montium aquæ. Fluebat autem hic torrens per vallem Josaphat, quæ erat inter urbem & montem Oliveti à Septemtrione in Austrum, quæ vallis etiam vallis Cedron appellatur: inde multis auctus fontium & piscinarum aquis cursum versus Orientem refecit, & in mare mortuum se effudit. Significat autem Cedron obscuritatem, forte quòd is torrens nigris turbidisque aquis fluere, vel à nigris procellis sua incrementa accerferet. Est & Cedro vel Cedron civitas versus Philisthæorum regionem, qua in Azotum itur, 1 Machab. 16. v. 9. quam reedificavit Cendebeus, ut ibidem habetur; ad ipsum enim debet referri illud, quam edificavit, cum ex cap. præcedenti constet ipsi fuisse imperatum à rege Antiocho, ut edificaret Cedronem, eique mandato cum paruisse: nam ubi cap. 15. v. 39, 40. versio nostra habet Gedorem, Græca eodem modo ut cap. seq. habent Κεδρὼν. Ex quo & illud probabiliter è nostra versione colligi potest hanc Cedronem non esse aliam

ab ea quæ alibi Cador, Cedor, Gador, vel Gadera appellatur, urbs in tribu Juda, Jos. 15. v. 36. mutato primo elemento in fatiis affinem literam a in p. IDEM.

4. Hæc omnino videtur esse illa, quæ in versione nostra, Jos. 21. v. 36. Jekison appellatur. IDEM.

5. Habes de hac urbe in tribu Juda, Jos. 15. v. 44. quam & David à Saule profugus, Philisthæorum obsidione liberavit; parumque absuit quin & ipse in eadem à Saule opprimeretur, nisi inde maturè profugisset, 1 Reg. 23. IDEM.

6. Nusquam in Scriptura fit mentio Cene pro Idumæorum regione, ne in Septuaginta quidem, quod sciam, Interpretum versione: videtur Cene positum pro Cenez, quod nomen tamen non tam regionis videtur esse nomen in terra Idumæorum, quam Ducis, qui in ea principatum obtinuit, cujus fit mentio, Gen. 36. v. 11, 15, 42. à quo tamen, sicut à Theman, nomen uni parti regionis Idumæorum adhærescere potuit. Verum Eusebius videtur omnia illa principum Idumæorum nomina pro urbium nominibus sumpsisse. IDEM.

7. Quæ de Cedus dicuntur sumenda sunt ex Καννέας, cui permixtae sunt. IDEM.

8. Κυδοσσός Sic video legi in Editione Parisina, ex MS. ut videtur. Apud Josephum de Bello Jud. Lib. iv. c. 9. urbs hæc vocatur Κυδοσσά, diciturque non procul fuisse à Gischala, & sic describitur: Κυδοσσός δὲ ἐστὶ Τυρίων κώμη καρτερὰ, διὰ μίσην αἰεὶ καὶ πολλὰς γαλιλαίων μισογένους δὲ ἐστὶ Τυρίων κώμη καρτερὰ, καὶ τὴν ὀχυρότητα τῆς πρὸς τὸ ἔθνος διαφορᾶς ἐφ' ὅσον: ἔχουσα πολλὸς τε οἰκητῶν, καὶ τὴν ὀχυρότητα τῆς πρὸς τὸ ἔθνος διαφορᾶς ἐφ' ὅσον: mediterraneus est pagus validus, semper infensus & infensus Galileis, habens multitudinem incolarum, & munitionem opportunam disidiis quæ sunt cum ea gente. CLERICUS.